



Број: 05/8-50-14-103-16/17

Сарајево, 8. 11. 2017.

Z A P I S N I K

16. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije održane 7.11.2017., od 12,30 do 13,15 sati.

Sjednici Komisije prisustvovali su članovi: Aleksandra Pandurević, Bariša Čolak, Anes Ličina, Borjana Krišto, Halid Genjac, Mirsad Isaković, Ivanka Marković i Vojo Višekruna.

Sa sjednice je odsustvovao Darko Babalj.

Sjednici su prisustvovali: Dragan Anđelić, zamjenik direktora Agencije za prevenciju korupcije i koordinaciju borbe protiv korupcije, Christian Haupt, direktor Projekta USAID SGIP, Džihana Misirlić, posmatrač Misije OSCE-a u BiH, Senka Kulenović, pripravnica u Političkom odjelu EUSR-a, Mirjana Kutanjac, rukovoditeljica Zakonodavno-pravnog sektora, i Aida Kreho, stručna savjetnica za zakonodavno-pravna pitanja i pravo EU u Zakonodavno-pravnom sektoru Sekretarijata PSBiH, Ljerka Bojić, rukovoditeljica Sektora za druga parlamentarna tijela Sekretarijata PSBiH, Zoran Brkić, viši stručni saradnik u Odjelu za informiranje Sektora za odnose s javnošću Sekretarijata PSBiH, te Vlade Srdanović, sekretar Komisije.

Sjednici su prisustvovali i predstavnici medija: Snežana Samardžija, novinarka SRNE, Aida Kovač, novinarka FENE, i Anja Grabovac, novinarka Oslobođenja.

Sjednicom je predsjedavala Aleksandra Pandurević, predsjedavajuća Komisije.

Za sjednicu je predložen sljedeći

DNEVNI RED

1. Usvajanje zapisnika 15. sjednice Komisije;
2. Razmatranje:
 - a. Prijedloga zakona o izmjenama i dopunama Zakona o Agenciji za prevenciju korupcije i koordinaciju borbe protiv korupcije i
 - b. Prijedloga zakona o izmjenama i dopunama Zakona o zaštiti lica koja prijavljuju korupciju u institucijama BiH;

3. Razmatranje Izvještaja o radu Agencije za prevenciju korupcije i koordinaciju borbe protiv korupcije za period od 1.1.do 30.6.2017. (sačinilac: Agencija za prevenciju korupcije i koordinaciju borbe protiv korupcije);
4. Tekuća pitanja.

Predloženi dnevni red usvojen je jednoglasno.

Ad.1. Usvajanje Zapisnika 15. sjednice Komisije

Komisija, s tri glasa „za“ i dva glasa „protiv“, nije usvojila Zapisnik 15. sjednice Komisije.

Ad.2. Razmatranje:

- a. Prijedloga zakona o izmjenama i dopunama Zakona o Agenciji za prevenciju korupcije i koordinaciju borbe protiv korupcije i**
- b. Prijedloga zakona o izmjenama i dopunama Zakona o zaštiti lica koja prijavljuju korupciju u institucijama BiH**

Prijedlog zakona o izmjenama i dopunama Zakona o Agenciji za prevenciju korupcije i koordinaciju borbe protiv korupcije obrazložila je Mirjana Kutanjac, rukovoditeljica Zakonodavno-pravnog sektora Sekretarijata PSBiH.

Potom je predsjedavajuća otvorila raspravu u kojoj su učestvovali: Aleksandra Pandurević, Halid Genjac, Borjana Krišto i Mirjana Kutanjac.

Nakon rasprave, Komisija je jednoglasno odlučila da odgodi do daljnje rasprave o Prijedlogu zakona o izmjenama i dopunama Zakona o Agenciji za prevenciju korupcije i koordinaciju borbe protiv korupcije.

b. Prijedloga zakona o izmjenama i dopunama Zakona o zaštiti lica koja prijavljuju korupciju u institucijama BiH

Prijedlog zakona o izmjenama i dopunama Zakona o zaštiti lica koja prijavljuju korupciju u institucijama BiH obrazložila je Mirjana Kutanjac.

Potom je predsjedavajuća otvorila raspravu u kojoj su učestvovali: Aleksandra Pandurević, Halid Genjac i Mirjana Kutanjac, rukovoditeljica Zakonodavno-pravnog sektora Sekretarijata PSBiH.

Nakon rasprave, Komisija je jednoglasno odlučila da podrži Prijedlog zakona o izmjenama i dopunama Zakona o zaštiti lica koja prijavljuju korupciju u institucijama BiH.

Također, članovi Komisije usaglasili su se da u svojstvu ovlaštenih predlagača upute Prijedlog zakona o izmjenama i dopunama Zakona o zaštiti lica koja prijavljuju korupciju u institucijama BiH u osnovni zakonodavni postupak, u oba doma Parlamentarne skupštine BiH.

Ad.3. Razmatranje Izvještaja o radu Agencije za prevenciju korupcije i koordinaciju borbe protiv korupcije za period od 1.1.do 30.6.2017. (sačinilac: Agencija za prevenciju korupcije i koordinaciju borbe protiv korupcije)

Predsjedavajuća je predložila da zbog odsustva direktora Agencije za prevenciju korupcije i koordinaciju borbe protiv korupcije Komisija odgodi razmatranje Izvještaja o radu Agencije za prevenciju korupcije i koordinaciju borbe protiv korupcije za period od 1.1.do 30.6.2017. do naredne sjednice Komisije.

Komisija je potom jednoglasno prihvatila prijedlog predsjedavajuće.

Ad.4. Tekuća pitanja

Komisiji se obratio Christian Haupt, direktor Projekta USAID SGIP, kako bi predstavio petogodišnje tabelarne prikaze preporuka iz izvještaja Ureda za reviziju institucija BiH o finansijskoj reviziji Agencije za prevenciju korupcije i koordinaciju borbe protiv korupcije. Također, gosp. Haupt predložio je da se u narednom periodu pred Komisijom održi i prezentacija o ovoj temi, s čim su se članovi Komisije saglasili.

Sekretar Komisije

Vlade Srdanović

Predsjedavajuća Komisije

Aleksandra Pandurević

Prilog: Neautorizirani transkript 16. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije.